

海國圖志目錄

卷七十四

國地總論上 釋五大洲
釋昆侖

卷七十五

國地總論下 利瑪竇圖說
南懷仁圖說
艾儒略圖說
莊廷勇圖說

卷七十六

籌海總論上 陳氏沿海形勢錄
張氏澳門形勢篇

卷七十七

籌海總論中 蕭氏粵東市舶
五論粵東章奏

海國圖志 卷七十四 目錄

卷七十八

籌海總論下 浙粵章
奏條約

卷七十九

夷情備采上 澳門
月報

卷八十

夷情備采下 華事夷言
西洋律例
貿易通志

海國圖志卷七十四

國地總論上原無今補

邵陽魏源撰

釋五大洲

梵典分大地為四大洲西洋圖說得其二焉而強割為五為四考萬歷中利馬竇所繪萬國地圖及國朝南懷仁之坤輿圖說與天啟中文儒略之職方外紀圖皆以地為圖體故分前後二圖其一南抵五印度海北至鄂羅斯冰海東盡日本朝鮮西兼葱嶺以西是為中國阿細亞洲一作亞細亞一作阿西阿其西北之歐羅巴洲西南之

海國圖志

卷七十四國地總論上

一

利未亞洲則皆以地中海為界地中海以北為歐羅巴洲南抵地中海北負冰海廣萬有千二百五十里長二萬三千里地中海以南為利未亞洲北起地中海南至大浪山海廣十度東西長七十八度兩洲之西皆盡西洋大海兩洲之東則皆與阿細亞洲相連利未亞之東則以西紅海與阿細亞洲為界歐羅巴洲之東則以阿被河及北高海與阿細亞洲為界此第一圖也又有南墨利加洲北墨利加洲墨利加今譯為米利堅二洲一峽相連中分南北其地東南相距百有八十度南洲南北四十二度北洲知之此第二圖也圖中諸國風俗物產疆域氣候

瓜。豆。剖。指。掌。畫。沙。質。諸。聞。粵。互。市。之。番。舶。重。譯。獻。琛。之。貢。使。事。多。徵。實。語。非。鑿。空。似。可。以。盡。富。媪。之。形。勢。窮。四。洲。之。方。位。然。以。說。徵。圖。實。止。二。洲。無。所。謂。四。五。也。說。文。水。中。可。居。曰。州。其。誼。蓋。起。於。洪。水。以。前。及。降。邱。宅。土。以。後。因。而。不。改。後。世。偏。旁。加。水。爲。洲。故。鄒。衍。談。天。則。裨。海。所。環。曰。神。州。釋。典。論。地。則。鹹。海。所。畫。爲。四。洲。是。洲。者。四。面。皆。水。之。名。未。可。以。陸。地。所。通。區。爲。渚。嶼。之。國。今。歐。羅。巴。利。未。亞。之。山。皆。發。脈。葱。嶺。邇。迤。而。盡。於。西。海。是。卽。以。葱。嶺。東。西。畫。爲。二。洲。尙。不。可。况。於。葱。嶺。迤。西。之。地。強。

海國圖志

卷七十四國地總論上

二

指。一。河。一。泊。爲。界。而。職。方。外。紀。之。阿。細。亞。與。歐。羅。巴。二。圖。一。則。界。以。大。乃。河。一。則。界。以。阿。被。河。此。二。河。者。一。在。裏。海。之。西。一。在。葱。嶺。之。東。相。去。二。十。餘。度。計。五。千。餘。里。循。前。圖。大。乃。河。則。西。侵。歐。羅。巴。之。界。依。後。圖。阿。被。河。則。東。侵。阿。細。亞。之。界。究。竟。此。二。河。中。五。千。餘。里。之。地。屬。彼。洲。乎。屬。此。洲。乎。譬。之。剖。中。原。爲。南。北。圖。南。朝。者。則。以。黃。河。爲。界。圖。北。朝。者。則。以。江。淮。爲。界。畢。竟。此。江。北。河。南。數。千。里。屬。南。乎。屬。北。乎。地。中。海。本。非。西。海。特。以。亘。一。域。之。中。表。將。萬。里。闊。二。三。千。里。與。西。海。相。灌。輸。卽。後。漢。書。太。

秦條支二國所隔之西海是古書所言西海皆卽地中海今既知有大西海環其外而反指地中海南北爲二洲不蹈漢人故轍乎至墨利加四面環海地數萬里洵別爲一大洲惟不得以其中央地狹而判之爲二與前圖同弊西人既尋得墨利加之後復念地爲圓體更西應亦可至東因更航海西尋數年復得南極下墨瓦蠟之地因并南北墨利加爲一洲而以新得之地爲第五洲然未嘗測其南極高距之度數江河入海之津口衣冠人物之形狀以告天下後世第言平原潏蕩螢火星

海國圖志

卷七十四國地總論上

三

流則尙未晤一人雖至其地與未至等故佛經所謂四大洲者西人止得其二而餘未之聞焉或曰此二洲者於釋典四洲當爲何洲曰阿細亞歐羅巴利未亞共爲南瞻部洲也南北墨利加則爲西牛貨洲也梵典言瞻部洲中有四主東人主卽震旦南象主卽印度北馬主卽蒙古哈薩克西寶主卽大小西洋是歐羅巴利未亞皆屬瞻部洲之明證至北具盧洲則隔于北冰海故海船無遶北海而歸之事東神勝洲則阻于南冰海故西船雖能至南極左右覩其地而不能遇其人南懷仁坤

輿圖說顧闞釋典四洲之誼謂南洲當在赤道溫帶以下不當以贍部為南洲是蓋泥南極北極為南北不知釋氏以北極南極分上下而以前後左右為四方同于儒家六合之誼其謂天頂為北者乃中土人一方斜睨之見其實天頂辰極豈徧于北又安得以南極為南乎釋典又名四洲曰南閻浮提西瞿耶尼州東弗婆提州北鬱單越州故起世經言南閻浮提日正中時東弗婆提日則始沒西瞿耶尼日則初出易地亦然又閻浮提州所謂西方瞿耶尼州以為東方瞿尼州所謂西方鬱

海國圖志

卷七十四國地總論上

單越州以為東方鬱單越州所謂西方弗婆提州以為東方弗婆提州所謂西方閻浮提州以為東方南北亦然樓炭經云日繞須彌山東方日出南方夜半西方日入北方日中如是右旋更為晝夜釋典四大洲之誼如是釋典四方之誼如是請以告西洋之分二大洲為四為五者并以告西洋之泥南北二極為南北者問釋典言佛降生必于大地之中故印度據南洋小西洋之間釋氏皆以印度為中國他方為邊地西印度為天主所生之如德亞及回教主所生之天方國皆居阿

細亞州之西利未亞州之東夾南海地中海之際故天主教則以如德亞爲中國而回教以天方國爲中國其尊西印度如佛教尊中印度等是二洲適中之地自古異人所挺生然謂居二洲東西之中可也其地皆偏瀕南海烏得爲全洲之中曰釋典不言居贍部之中而言居大地之中則是據南北二極言之二極之中爲赤道近二極皆爲冷帶稍離極爲溫帶正當赤道下爲熱帶南洋各國正當赤道下距南北極度數皆均等其地終年恒燠是則正當地球南北之中又正當贍部洲東西

海國圖志

卷七十四國地總論上

五

之中故彼自命爲中國也使專據贍部洲言之則正中莫如葱嶺而環葱嶺左右古今但爲游牧部落不聞產一英傑何耶故曰東海有聖人出焉西海有聖人出焉聖人之出必在海濱扶輿磅礴之氣必至平原近海如雍冀青兗而後剛殺始盡冲和始鍾惟是印度正當熱帶地過炎煥人多裸袒而震旦則正當溫帶四序和平故自古以震旦爲中國謂其天時之適中非謂其地形之正中也西洋溫帶之地則爲地中海所占而歐羅巴亦偏于冷帶利未亞亦偏于熱帶故儒佛回教天主教

皆主阿細亞洲天文算法奇器亦皆創自阿細亞而後
流被於歐羅巴洲至利未亞洲之腹地周萬餘里萬山
環之不與他國往來故雖以麥西國亞鬼心域國之聲
名文物亦不通中國而西洋市舶所至則僅其邊隅黑
奴烏鬼之區而已是則又以瀕海為糟粕腹內為精英
地不靈者人不傑信哉小西洋未利亞洲瀕海之地多
產黑人歐羅巴裔舟過之多買
為奴供役使明史謂之烏鬼今沿其稱呼西洋為鬼子
然白夷與黑夷各產各地相去數萬里豈惟非一國并
非一洲今謂黑奴為烏鬼可也
并謂白夷為白鬼則大不可至南北墨利加洲地廣
數萬里與贍部洲同其大明代始與贍部相通而自明

海國圖志

卷七十四國地總論上

六

以前其洲中數千載不過草木蕃殖游牧射獵竟無創
教治世之聖人及各國開墾通商始知有天方天主等
教釋典言佛出世必在浮提州其三州皆無佛乃竟並
天主天方之教而無之則贍部洲為四洲之冠何疑焉
歐羅巴利未亞皆奉天主天方之教而天主天方并產
西印度佛教則產中印度與儒教產震旦相等而歐羅
巴未聞產一教主則贍部洲內又以阿細亞冠彼二洲
何疑焉

墨利加洲當為釋典之西牛貨州非臆度也坤輿圖說

職方外紀言墨利加州之孛露國。金加西臘國地出金銀。天下稱首。百物皆貴。惟銀至賤。其礦有四坑。役者常三萬人。國王什取其一。七日約得課三萬。而貿易通志言北墨利加州之麥西可國。有金銀廠。明萬曆至今。銀歲出口者千餘萬圓。歲進口貨價千二百萬圓。南墨利加州之伯路國。卽前之孛露也。金銀山最著。昔爲西班牙奪據。歲出銀數百萬。至千萬圓不等。近日國人恢復自治。開鑛日旺。又云當明嘉靖時。西洋聞此金山銀嶺之名。于是西班牙葡萄牙國。以兵奪據其地。所獲無算。金條滿

海國圖志

卷七十四 國地總論上

七

屋。每騎兵各賜二萬圓。步兵各賜萬餘圓。武官各分數萬圓。其後每年所出之數。金七百餘萬圓。銀千有百餘萬圓。有某金廠自開之後。所出共計萬萬五千萬圓。皆載回西班牙國。鑄造番餅。廣布天下。至今三百年。開鑿無窮無盡。後因西班牙國兵暴虐。孛露人不服。起義驅逐自立國王。招徠商賈。于是英吉利荷蘭之商。歲運銀回國約五六百萬圓。銀價漸賤。貨價漸昂。始停止運銀進口。俟他日銀價起時。再運之以平價。然則天下貿易之商。莫盛于歐羅巴。金銀之產。莫盛于墨利加。一爲西

方寶主一爲西牛貨洲何疑焉今廣東貿易惟彌利堅國歲有進口銀四十萬圓而歐羅巴則專以鴉片耗中國之幣故彌利堅于我有益無損英夷于我有損而無益。

問曰贍部洲之西方寶主南方象主北方馬主則誠然矣人則四方所同何獨以人主歸之東方曰請以西夷之書徵之澳門新聞錄曰中國人民居天下三分之一生齒之繁無國可比卽如俄羅斯地方百四十一萬四千四百方里戶口不過四千一百九十二萬五千名而

海國圖志

卷七十四國地總論上

八

中國只湖廣一省廣不過十四萬四百七十方里已有戶口四千五百零二萬名江南地方九萬二千九百方里戶口卽有七千二百萬名由此觀之中國只一省卽抵佛蘭西英吉利歐羅巴特厘阿三國之人民又華事夷言曰中國繁庶甲乎四海但卽廣東一省之人可敵他方十餘國各國皆地廣人稀卽印度戶口最稠亦尙有曠土中國則不惟平地皆田卽山巔嶺側無不層層開墾寸壤不遺其散布于海外各國者尙不知凡幾其繁庶誠四海所未有由是觀之則東方之宜人信矣觀

墨利加洲南北數萬里。明季歐羅巴各國爭往開之。各闢草萊立城市。竟如自古無人之荒島。近卽回部之西四城膏腴可墾者。動數萬頃。中國有之乎。至北方馬主不特蒙古哈薩克布魯特爲然。卽再北而俄羅斯。其東北際海之地亦產名馬。以游牧爲生。騎射爲俗。見異域錄及本志。則馬主之說亦信矣。卽其所言。衡之則四主中亦自以人主爲上。

問西洋舟船所至止有二洲。則釋典此外尙有第三第四洲信乎。曰此外必有二洲。不獨釋典言之也。卽以西

海國圖志

卷七十四國地總論上

九

人所製地球觀之。兩洲實止居全地之半。自中國日本以東更無大國。其海跨越赤道南北周八萬餘里。且多在溫帶寒暑均平之區。尙勝地球北極下冷帶有人之地。豈冷帶有人而溫帶反無人乎。赤道以南空地亦周七萬餘里。其地在南極冷帶者半。在溫帶者亦半。溫帶以下亦必有國土居民。西人遊迹偶至。名之曰墨瓦蠟泥加。而不能詳其度數形勢。豈既有其地而竟無其人乎。然則東神勝洲北具盧洲之地。卽據地球所餘之空度亦鑿鑿當有二洲。又何疑焉。惟釋典所云南北東西

四洲實不以二極分南北故自贍部以外未可指其孰
爲東州孰爲北州

海國圖志

卷七十四國地總論上

十

釋昆侖上

昆侖卽葱嶺葱嶺卽河源之阿耨達池非弱水條支西

海之地淮南子十洲記等非金城臨羌之石室漢書地理志金城卽臨羌縣西

北有王母石室及弱水昆侖山祠臨羌在今西寧非青

府漢志特言望祭於此耳未嘗言昆侖山在其地非青

海之大積石元都實說非吐番之悶摩黎山唐人劉元鼎說亦非後

藏阿里之岡底斯山也康熙中理藩院主事勝住偕刺麻繪西藏青海地圖歸奏如此

蓋前之一說由誤混昆侖於須彌次三說由誤執青海

及吐番河爲河源最後一說由誤指阿耨達山在西藏

今不暇言弱水條支之荒誕辨詳於後與金城積石悶摩黎

海國圖志卷七十四國地總論上 十一

之淺近請先辨岡底斯山康熙時回疆未入版圖奉使

刺麻惟知自侈蕃地山水遂以後藏阿里之高山當昆

侖當阿耨達謂天下三條四列之山皆祖諸此故番語

岡底斯譯言象山水之根又以其山所出支河譯以馬

口牛口象口孔雀口附會於阿耨達四水請先徵其不

合一則儒言昆侖釋言阿耨達皆居大地之中今阿里

西南徼外之岡底斯山偏近南海絕非域中二則昆侖

爲河所源今岡底斯山距青海重出之河源五千餘里

距于闐葉爾羌喀什噶爾初出之河源亦三千餘里烏

觀所謂河出昆侖者乎三則阿耨達池出四大水分歸
四大海今岡底斯山東出者惟一檳榔江會大金沙江
入緬甸南海其西出之狼楚麻楚拉楚三水又皆合赴
恒河入南海并無入東海西海北海之水况康泰扶南
傳恒水出昆侖山中有五大源則此後藏入恒河三支
亦非遠源嫡派四則言阿耨達池在山頂非山麓蓋衆
山之太祖必爲衆水之天潢今岡底斯山前面二湖在
麓非頂且不通四面支河安能爲萬水之源五則西北
域記言岡底斯山在烏斯藏西南縣匡峭壁積高凝冰

海國圖志

卷七十四國地總論上

十三

山巔清泉百道奮湧爭流自巔至麓旣見又伏四面如
獅如象如馬如禽西北走喀齊西南走天竺爲各山之
鼻祖然廣袤不及二百里高才五百丈云云是其高大
不及葱嶺十分之一安能爲宇內最高之山然則昆侖
果安在請十徵之儒籍一徵之釋典一徵之西洋圖說
一徵之本朝紀載而知衆山之祖乃葱嶺而非岡底斯
山所謂河源出阿耨達者乃葱嶺脊上之大龍池回語
謂之哈喇淖爾果爲四大源所出之昆侖也山海經西
山經曰昆侖之邱實維帝之下都河水出焉而南流注

於無達赤水出焉而南流注於汜天之水注水出焉而西南流注於醜塗之水黑水出焉而西流注於大扞又曰西海之南流沙之濱赤水之後黑水之前有大山名曰昆侖之邱是蓋以洋水西流爲注雷菑海之河赤水南流爲注南海之恆河黑水當爲注北海之阿被河惟河水南流爲注中國之黃河

吳省蘭河源考以赤水爲喀什葛爾之烏蘭河黑水

爲葉爾羌之喀喇河然經文別出河水于三水之證一外不應復出河源而黑水西流亦乖東注之義

海國圖志

卷七十四國地總論上

三

河源出焉多玉石鹽澤去長安可五千里其後漢使窮河源出于闐其山多玉石乘來天子案古圖書各河所出曰昆侖考張騫僅至于闐未至葱嶺故有烏覩昆侖之語而嶺西水皆西流則已聞諸于闐之人是亦明以葱嶺爲昆侖蓋漢時于闐國大西有葱嶺曷嘗以于闐南山當昆侖耶南山脊外之水能入西海耶水經注引涼土異物志云葱嶺之水分流東西西入大海東爲河源卽禹記所謂昆侖又言葱嶺在敦煌西八千里河源潛發其嶺分爲二水一出岐沙谷東流徑無雷依耐蒲

犁疏勒皮山莎車各國為河源一西徑循休難兜彌賓
月氏各國至安息而注雷荔海葱嶺有國名伽舍羅逝
此國狹小而總萬國之要道無不由其城南是昆侖確
為河源確居地中分注東西各海證二也爾雅河出昆
侖虛色白所渠并千七百一川色黃今星宿海甫出即
燦若黃金安得色白安有渠并安得為昆侖之虛惟葱
嶺河源銀濤練浪西域水道記口登阿賴山顛望大龍池銀濤一片上涵天光而其
所并千七百渠者即回部所受千百支幹之水皆在未
至蒲昌海星宿海以前是爾雅色白指葱嶺之源色黃

海國圖志

卷七十四國地總論上

齒

指星宿海之源知河源為昆侖尤必知河所初出之源
為真昆侖證三也爾雅又言西北之美者有昆侖虛之
璆琳琅玕焉今葱嶺產美玉見元劉郁西使記環葱嶺之葉爾
羌和闐溫都斯坦皆出美玉詎青海所有詎岡底斯山
所有證四也漢書西域傳河有兩源一出葱嶺一出于
闐于闐在南山下其河北源與葱嶺河合東注蒲昌海
一名鹽澤其水亭居冬夏不增減潛行地下南山積石
為中國河按蒲昌海即今回疆之羅布淖爾受和闐河
及葱嶺南北河是為二源葱嶺南河出葉爾羌山中葱

嶺北河則出喀什噶爾西千餘里之大龍池是為黃河最遠之正源故史記引禹本紀言河出昆侖其高二千五百里其上有瑤池瑤池即大黑龍池也出葱嶺者其正源出和闐者其旁源葱嶺河經喀什噶爾東會葉爾羌河又東始會于闐河源流廣大視和闐河數倍和闐兩岸沙積水多湮滲而葱嶺源數千里或分或合不滲於沙不隔於嶺自古數河源必於此則推昆侖者必於此雖于闐之旁源尚不敢並況他說乎證五也山海經華山七千七百六十七里曰不周之山東望泐澤河水

海國圖志

卷七十四國地總論上

五

之所潛也其源渾渾泡沱

水經注稱鹽澤之水洄湍電轉為隱淪之脈即渾泡之謂

郭注泐澤即鹽澤山形有缺不周匝處因名不周蓋葱

嶺左幹為天山右幹為南山包回疆西南北三面惟缺

東面形如半規而虛其中河源蒲昌海出焉是則葱嶺

即昆侖即不周之山故淮南子稱不周之山為天柱而

七千七百餘里正葱嶺距華山之里數證六也

吳省蘭河源考

日西域大勢四隆中窪而羅布淖爾適當其窪處凡葱嶺之東嘉峪關之西天山之陽南山之陰縱橫數千里一涓一滴於是滙歸惟以東南方一隅為泄水之尾間雖流沙間隔千里而水不流行于沙面必貫輪于沙底雖無顯赴之蹟可決其潛發之源魏游雅曰易言天與水違行今自葱

嶺以西水皆西流則易之所及葱嶺以東耳說文止土之高也從北從一一地也人居止南故從北中邦之居在昆侖東南是則昆侖正爲地之主名故說文以正屬昆侖若岡底斯山則在中國之西南而中國在其東北與說文中邦在昆侖正南不合矣證七也昆侖衆山太祖故十洲記云昆侖有四角大山爲其支輔岡底斯山乃其南幹之大宗但可謂由葱嶺南轉而爲岡底斯豈反由岡底斯而發葱嶺何者山之所趨水亦從之如果山脈自後藏趨北轉西至回部而爲葱嶺則其水皆應

海國圖志

卷七十四國地總論上

六

從山脈北流何故後藏之瀾滄江之怒江之龍川江之六金沙江皆由雲南經緬甸安南以入南海無一北流之水乎是知岡底斯山特葱嶺南幹之主峯而葱嶺北幹則循塞垣趨朝鮮濊貊與鄂羅斯分界南幹則包烏斯藏滇粵盡於緬甸暹羅與五印度分界故漢書西域三十六國惟在葱嶺東者皆屬都護而葱嶺以西無之我朝聲教所訖亦以葱嶺爲斷雖元代初年盡吞葱嶺以西各國分建藩封卒皆尾大鞭長不受控制豈獨兵力不逮亦天地大氣之自爲界限歟證九也元史

郭寶玉傳太祖征西域入鐵山屯大雪山前谷中雪深
二丈乃禱山川神封昆侖為元極王大鹽池為惠濟王
劉郁西使記逾別石蘭過忽牽河土人言黃河源出南
大山。地多產玉疑為昆侖。是元人亦明知葱嶺河源為
昆侖。證十也。更徵釋典。言昆侖即阿耨達山者。始于康
泰扶南傳及佛圖調傳。并見水經汪阿耨達亦名無熱丘言阿耨達池
出四大水注四大海者。見於長阿含經。經云雪山頂上有阿耨達池。縱
廣五十由旬。池東有恆伽河。從牛口出。從五百河入東
南海。池南有新頭河。從師子口出。從五百河入西南海。
池西有博叉河。從馬口出。從五百河入西北海。池北有斯佗河。從象口出。從五百河入東北海。及唐僧

海國圖志

卷七十四國地總論上

元英西域記記曰。瞻部洲之中地者。阿那婆答多池也。即阿耨達在香山之南。大雪山之北。周八
百里。西出縛芻河。入西北海。南出新度河。入西南海。東
出殍伽河。入東南海。北出徙多河。徙多河潛流地下。出
積石山。為中國河源。阿那婆答。即阿耨達。而華嚴音義
之轉音。新頭河。新度河。皆印度河之轉音。而華嚴音義
述之曰。香山頂上有阿耨達池。四面各流出一河。東面
斯陀河。出金剛師子口。南面恆伽河。出銀象口。西面信
度河。出金牛口。北面縛芻河。出琉璃馬口。而阿耨達池
所在。則西域記徵之曰。自商彌國境東北踰山七百餘
里。至波密羅川。川東西千餘里。南北百餘里。狹隘之處
不踰十里。據雨雪山間。川中有大龍池。東西三百餘里。

南北五十餘里據大蔥嶺內當瞻部洲中其地最高也

其水澄清甘美池東派一大水東流東北至疏勒國西

界與徙多河合而東漢疏勒國唐之佉沙國今喀什噶爾也徙多河已見前西北

一大流與縛芻河合而西至達摩諦悉國按徙多河即斯陀河縛芻

河即博叉河新頭河即信度河一名印度河即恆河正源也印度河復中分二流為東西兩恆河同注南海別

詳印度恆河考縛芻河則西流正支其達摩諦國即今葱嶺西之什克南都也惟入北海之河被河雖出葱

嶺北幹而不出龍池故淮南子有黃水三周復所之說蓋重源潛發猶羅布淖爾之發為星宿海唐人不知此

義故強以縛芻河為北注而以此乃直指葱嶺脊上之印度河為西注辨見恆河考

大龍池為阿耨達池即唐元奘取經歸途溺象之地元奘

海國圖志卷七十四國地總論上 六

還至于闐國上表云今已越葱嶺渡波密羅川亦即僧還達于闐為大象溺死經卷衆多未有鞍乘

惠生至葱嶺頂盤陀國見脊水西流之地洛陽伽藍記自發葱嶺步

步漸高四日至頂約半天矣漢盤陀國正在山頂葱嶺以西水皆西流入西海世人云是天地之中也亦

即唐書西域傳所指熱海之地唐書葱嶺水南流者經中國入于海北流者經

胡地入于海北三日行度雪海由勃達嶺北行羸千里得細葉川東曰熱海地寒不凍川長千里自此抵西海

矣亦即元太祖軍至雪山禱神封祭之地見前元史條下亦即

乾隆中官兵追霍集占未至拔達克山沿岸鏖戰之地

乾隆二十四年回酋霍集占將投拔達克山官軍追至哈喇淖爾遙望五六十里外有塵起越二日追及於和

什克珠庫嶺蓋自池東追至池西也拔達克山近古罽賓國道有三池盤石阪臨崢嶸不測之深即經此龍池

也北史波知國有三池大者龍王中者龍婦小者龍子行人投祭乃過亦卽此也亦卽道光初

官兵追張格爾至阿賴山頂望春水西流之地阿賴布魯持遊

牧地在葱嶺脊漢盤陀國也追張格爾事見知阿耨池聖武記登阿賴望龍池見西域水道記

則知河源知河源則知昆侖據大地之中當萬國孔道

且滙巨浸于萬仞峯顛分注四大海宇內斷無其匹番

語黑日哈喇池日淖爾以水色青黑得名黑龍池之稱

阿耨達與稱哈喇淖爾華梵翻切皆同阿達卽哈喇之轉音耨卽淖之

殊非若岡底斯之音義睽隔且西番語謂雪為岡梵語

雪為底斯合番梵皆謂雪山無謂山水根之誼審音辨

海國圖志

卷七十四國地總論上

物其將安從葱嶺亦名雪山亦名香山而西域記則稱在香山之南雪山之北者蓋葱嶺西北出

之幹為香山故釋迦氏譜引閻浮圖有葱嶺西據香山之說其東出二幹一為回疆北路之天山一為和闐之

南山而南北二山皆可稱雪故西域記有葱嶺據兩雪山間之語蓋對文則別散文則通坤輿圖說有高八十

里之理弗依山在葱嶺以西鄂羅斯鄒衍以後異端蠱境內其高次於葱嶺當卽香山矣

起于是十洲記及河圖玉版等書混昆侖於須彌以海水

遶之為弱水環之昆侖既不若是之大後世若唐楊

筠松以須彌為四大幹山之祖則又混須彌於昆侖須

彌又不若是之小西域聞見錄疑溫都斯坦迤西大澤中高山卽繞日之峯尤為陋繆

知釋典起世經言須彌為西洲地之中心昆侖為閻浮

提之中心是梵書言須彌者地頂也地心上值天頂正
北極下半年爲晝夜之地故言日月繞須彌其外大鹹
海環之於海中有四大洲而昆侖特南瞻部洲中之高
山乃須彌南面之一隅烏得以當全地之須彌哉是釋
典以昆侖爲南瞻部洲之中央卽阿耨達山與河圖括
地象所稱地中央曰昆侖其東南萬五千里曰神州之
說合與穆天子傳昆侖去宗周澗瀝萬有一千里之數
亦合山海經地東西二萬八千里南北二萬六千里自
積石千七百四十里自積石出隴西郡至洛準地志可

海國圖志

卷七十四國地總論上

三

五千餘里又穆天子傳天子自昆侖山入于宗周乃里
西土之數自宗周瀝水以西至于河宗之邦陽紆之山
三千有四百里自陽紆西至河首四千里合七千四百
里又昆侖瑤池去宗周萬一千一百里此并以葱嶺爲
昆侖故里數信而有徵非同他書五萬里七萬里十萬
里四十六萬里之異說酈道元顧不信而信東方朔淮
南子等書幻等蜃市誕擬蓬壺豈惟儒書所不合抑釋
典所不屑道西洋疇人所不屑譚何者南懷仁坤輿圖
說宇內名山凡九自西洋高十三里之山起愈東則愈

高有高二三十里者。有高四十餘里者。有高八十餘里者。其末最高之山。名曰高駕所山。在阿細亞洲境內。高百有三十里。詳見本志總論第四十六卷夫中華在葱嶺之東。則山脈自西來。愈西愈高。高至葱嶺而止。西洋在葱嶺西。則山脈自東往。愈東愈高。亦高自葱嶺而始。山居東西正中。雖譯名不同。而宇內高山。獨推亞細亞洲。為歐羅巴洲各山所不及。謂非葱嶺。而何以萬山之祖。當萬國之中。謂非昆侖。而何更徵以本朝掌故。乾隆四十七年遣使窮河源歸。詔曰。史記漢書。皆言于闐之西水皆

海國圖志

卷七十四國地總論上

三

西流注海。其東流注鹽澤。潛行地下。南出為河源。今回部諸水。皆瀦蒲昌海。伏地千里。至青海而始出。正猶濟水之三伏三見。則昆侖當在回部之西。距此萬里。康熙中錫拉尋河源歸。奏言貴德堡西有三支河。名昆都倫。蒙古謂橫為昆都倫。言有三橫水入於河也。然則回部所謂昆侖山者。亦當為橫嶺。而不當如元都實。牽青海之昆都倫河為回部之昆侖山。至矣哉。聖智周六

合。聖訓炳萬古。如赫曦之豁蒙。自後皇清通志及松筠西陲總統事略。皆本斯誼。曰黃河近源在星宿

海西三百餘里。遠源則爲回部極西之葱嶺。在喀什噶爾葉爾羌西千餘里。蒙古謂天山冰嶺皆名曰昆都侖。急呼則曰昆侖。云云。雖語焉不詳。要之昆侖當爲葱嶺。非青海。非吐番。後藏固已所衷。大聖誕告中外使。康熙世回部早同車書。則聖祖是論固當先。

高宗而發之。昔之有天下者。疆域褊狹。多不能有昆侖。能有昆侖。能知昆侖爲河源者。皆自我。大清高宗純皇帝始而拘墟。晉儒猶或泥於康熙朝論定。未有知葱嶺河源之後說者。豈以前說於阿耨達池附會較詳。

海國圖志

卷七十四國地總論上

三

而後說未之及。歟。謹勾稽本末。具圖及說。繹闡兩

聖人先後同揆之義。軒軒並揭天地。又以謂國家撫有西域。主名山川。列正祭。隨祭者十有六。不當反遺昆侖太祖。非所以母元氣。綱萬靈。符古者祭海先河之誼。

釋昆侖下

問曰。昆侖之爲葱嶺。龍池之爲阿耨達信。已廣釋典。言四水分注四海。而今考元奘西域記。與徐氏西域水道記圖。則龍池所出實止三水。東爲中國河源。南爲恆河。

印度河同源四爲縛芻河源唐人欲合佛經四水故以
印度河當西注以縛芻河當北注今子謂印度河卽西
恆河與東恆河同源分注南海無西注之蹟然則縛芻
一河將分注西北兩海耶又佛經言阿耨達四水皆云
遶池一也從五百河入于大海後人襲其說謂河源遶
昆侖西北及南而後東流者官書駁之謂昆侖大山非
島嶼比河安能遶其西北南三面而復折東以行耶曰
是說也惟淮南子得之曰昆侖有疏圃之池河水出其
東北陬赤水出其東南陬洋水出其西北陬黃水三周

海國圖志

卷七十四國地總論上

復其源凡此四水地之神靈以運萬物是明言昆侖流
出者惟三水河水卽黃河赤水卽恆河洋水卽縛芻河
其一則伏流潛發猶水經述蒲昌海洄湍電轉爲隱淪
之脈者其爲阿被河之潛脈無疑職方外紀及南懷仁
圖曰阿被河源一出大布里山卽葱嶺北一出基臺湖卽宰
桑泊北注冰海首尾七千二百里河凍開時有大冰如
山岳衝擊兩岸旁溢千二百里土人遷居入山避之蓋
葱嶺北幹爲烏拉嶺其嶺西北有帕付林高山峙出諸
山之上冬夏積雪人不能至卽大布里山也其低平處

高不過三百丈而長則自北海至裏海為阿細亞歐羅
巴二洲之界亦為俄羅斯東北藩屬之界距阿爾臺山
起處不遠四洲志山巔嶺上隨處流泉雖最高處亦甚泥
海其嶺東出烏拉河托波爾河俱東北歸厄爾齊斯河
入北海異域錄案烏拉嶺隨地流泉沮洳泥濘即潛源重
發同于星宿海之證故懷仁圖說謂大布里山在俄羅
斯境內案四洲志稱為烏拉嶺異域錄稱為佛落克嶺
蓋嶺東出烏拉河嶺西出佛落克河故各據所
出之河以嶺西之水下游會佛爾格河一作窩爾加其水不
北流而南注入騰吉斯海土爾扈特游牧其地稱之曰

海國圖志

卷七十四國地總論上

厄濟爾河異域錄又賽馬爾罕之納林河亦自東南來會
之是則葱嶺以西更無北注之水其北注者惟烏拉嶺
東之厄爾齊斯河為北流第一大幹故懷仁圖說列阿
被河于阿細亞洲不列于歐羅巴洲也蓋縛芻河出池
以後始滙于雷菴海而後再出潛源阿被河則不出池
即伏流地下發于烏拉嶺為潛源觀此而淮南三周復
所之義明而佛經阿耨達四水皆遶池一匝之誼亦明
矣山海經言昆侖之邱出河水赤水洋水黑水與淮南
同惟易黃水為黑水考蒲昌海水青黑重發于星宿川

則黃以此例河被河蓋淮南預指其重源故黃之山海經惟據龍池之初源故黑之也唐代諸僧求北注之水于葱嶺以西而不得于是強印度河為西流強縛芻河為北注姑無論恆河誣謬與佛經不合試問縛芻河之水果何歸宿耶夫縛芻河為龍池西出之正流即水經注所謂有媽水潛發葱嶺西逕循休難兜闕賓國北月氏安息國南與蜺羅歧諦水同注雷菑海者也即元史之阿母河亦作暗布河亦作阿梅河元設行中書省以控制西域者也亦即南懷仁坤輿圖入鹹海之阿書河

海國圖志

卷七十四國地總論上

三

其上游日亞被亞河日亞母湖者也阿母阿書即縛芻之音轉其水

右並葉河葉河出葱嶺北原西北流逕石國康國米國

圖何國史國等地見大唐西域記一作素葉川即今納林河逕敖罕

西哈薩克入鹹海者左受烏澹河逕吐賀羅月支國見後

漢書新唐書一作馬澹河即水經注之蜺羅歧諦水出阿耨達山之

北西逕紮尸羅國四大塔隸陀衛國至安息注雷菑海

者雷菑海即裏海一名鹹海一名北高海一名加土比唵一名騰吉思海一名格騰里海一

名達里岡阿泊凡葱嶺東之水皆潛蒲昌海即羅布葱嶺以西

之水皆潛鹹海蒲昌海之水伏流潛發于星宿海為黃

河以入東溟則裏海之浩蕩淵渟斷無永瀦而不發之
理故嘗謂裏海以西之大乃河長二千四百里分三道
入墨阿的湖以達地中海者當為裏海潛源重出之河
是縛芻河為西注正幹而唐僧之強印度河為西注又
強縛芻河為北注者萬不可通矣蓋葱嶺北幹曰烏拉
嶺橫抵北海故葱嶺以西之水為烏拉嶺所包皆不北
注而西南入裏海其北注者惟葱嶺東北之阿被河潛
源重發一發于烏拉嶺一發于宰桑泊皆滙歸厄爾齊
斯河即阿被阿也一作阿北後人縱或知阿被河即厄爾齊

海國圖志

卷七十四國地總論上

斯河又以其不顯出阿耨達池而疑之又或不知厄爾
齊斯河有兩源但知其出宰桑泊即基臺湖而不知其
出烏拉嶺者即大布里山即葱嶺北幹又或泥南懷仁
圖繪賽馬爾罕于基臺湖之上則益疑之此西圖之大
罕在葱嶺西其下游
誤也賽馬爾豈有注北海之水乎夫古者九能之士山川能說其非
徒說形勢分合之謂其必察地理脈水性并其卓詭之
狀隱潛之絡而瞭知之昆侖阿耨達之三周遶匝使不
一證諸淮南子再證諸水經注之蒲昌海三證諸烏拉
嶺之隨處流泉沮洳泥濘其不供下土大笑者幾希濟

水絕河而南三伏三見使不出中國而傳自外夷其不
斥為誕罔者幾希或曰黃水三周復其源此語非淮南
所能創果何據依曰穆天子傳天子
升于昆侖觀黃帝之宮釋氏西域記阿耨大山其上有
大淵水宮殿樓觀甚大焉是昆侖有黃帝遺蹟自非乘
龍御天之聖孰能智周六合若此者乎又西域記葱
嶺南接雪山北至熱池千泉千泉者地方二百餘里南
面雪山三垂平陸卽今伊犁河所西匯之巴勒喀什泊
也葱嶺得名以西域記山嶺葱翠之說為正顏師古謂
產野葱陋不足辯至南懷仁等皆謂裏海之水浩蕩甚
鹹不通外海獨海國聞見錄言裏海之水流包社不
知何據豈誤以印度河出自裏海乎置之不論可矣